



جابتن حال إحوال إكّام إسلام قولوا قينخ  
JABATAN HAL EHWAL AGAMA ISLAM PULAU PINANG



TEKS KHUTBAH  
**MENYEMAI TAKWA  
DI LEMBAH SYA'BAN**



Tarikh Bacaan:  
**14 FEBRUARI 2025M / 15 SYA'BAN 1446H**

Dibiayai :



MAJLIS AGAMA ISLAM  
NEGERI PULAU PINANG

Diterbitkan :



JABATAN HAL EHWAL AGAMA ISLAM  
PULAU PINANG

***Jawatankuasa***  
***Panel Semakan Teks Khutbah***  
***Negeri Pulau Pinang***

---

- 1. Sahibus Samahah Prof. Madya Dato' Dr. Mohd Sukki bin Othman (Pengerusi)**  
Mufti Kerajaan Negeri Pulau Pinang
  
- 2. YBhg. Ustaz Muhammad Fadzil bin Alias**  
Pengarah, Yayasan Dakwah Islamiyah (YADIM) Pulau Pinang
  
- 3. YBhg. Ustaz Ahmad bin Hashim**  
Penasihat, Pusat Pengajian Tahfiz Al-Quran (PPTQ)  
Kolej Islam Teknologi Antarabangsa Pulau Pinang (KITAB)
  
- 4. YBhg. Ustaz Subki bin Mohamed**  
Mantan Pensyarah Kanan, IPG Kampus Tuanku Bainun
  
- 5. YBrs. Dr. Mohamad Zaki bin Hj Abdul Halim**  
Penolong Mufti, Bahagian Fatwa,  
Jabatan Mufti Negeri Negeri Pulau Pinang
  
- 6. YBhg. Ustazah Rohayati binti Daud**  
Mantan Penyelaras Program Intervensi Kaunseling,  
Universiti Sains Malaysia
  
- 7. YBhg. Ustaz Ahmad Shahimi bin Senawi**  
Pendakwah
  
- 8. Ustaz Mohd Hanif bin Omar @ Wahab (Setiausaha)**  
Ketua Penolong Pengarah, Bahagian Dakwah  
Jabatan Hal Ehwal Agama Islam Pulau Pinang (JHEAIPP)



# Menyemai Takwa Di Lembah Sya'ban

14 Februari 2025M/ 15 Sya'aban 1446H

الْحَمْدُ لِلَّهِ الَّذِي هَدَانَا لِهَذَا وَمَا كُنَّا لِنَهْتَدِيَ لَوْلَا أَنْ هَدَانَا اللَّهُ.  
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.  
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ أَجْمَعِينَ.  
أَمَّا بَعْدُ، فَيَا عِبَادَ اللَّهِ، أُوصِيكُمْ وَإِيَّايَ بِتَقْوَى اللَّهِ، فَقَدْ فَازَ الْمُتَّقُونَ.  
قَالَ اللَّهُ تَعَالَى فِي كِتَابِهِ الْعَزِيزِ: وَسَارِعُوا إِلَى مَغْفِرَةٍ مِّن رَّبِّكُمْ وَجَنَّةٍ عَرْضُهَا  
السَّمَاوَاتُ وَالْأَرْضُ أُعِدَّتْ لِلْمُتَّقِينَ ﴿١٣٣﴾ سورة آل عمران

Maksudnya: “Dan bersegeralah kamu kepada keampunan dari Tuhanmu dan kepada Syurga yang luasnya seluas langit dan bumi yang disediakan untuk orang-orang yang bertakwa”.

## PARA TETAMU JUMAAT YANG DIKASIHI SEKALIAN,

Marilah kita meningkatkan ketakwaan kepada Allah dengan memanfaatkan masa yang ada untuk melakukan segala suruhan Allah *سُبْحَانَهُ وَتَعَالَى* dan meninggalkan larangan-Nya.

Sya'ban hadir membawa peringatan, hamba berdosa usah



dilupakan, rebutlah peluang raih keampunan, hidup bahagia dalam keredhaan. Tajuk khutbah kita pada hari ini ialah: **“Menyemai Takwa Di Lembah Syaaban.”**

### **KAUM MUSLIMIN YANG BERBAHAGIA,**

Sedar atau tidak kita kini telah berada di pertengahan bulan Sya'ban. Ramai yang sedang tekun membuat persiapan menghadapi Ramadan. Namun ada juga dalam kalangan kita mengambil ringan soal menggantikan puasa yang tertinggal walaupun Ramadan semakin hampir. Ada yang menanggung-nanggung hingga ke saat akhir sedangkan usia adalah rahsia Allah dan ajal boleh menjemput pada bila-bila masa. Sebagai umat yang terpilih, kita wajib menyedari betapa pentingnya menunaikan tanggungjawab ini dengan segera.

### **HADIRIN YANG DIKASIHI ALLAH SEKALIAN,**

Banyak amalan yang dianjurkan untuk kita amalkan sepanjang bulan ini. Khatib ingin berikan tiga perkara sahaja untuk jemaah lakukan sepanjang bulan ini:

#### **Pertama: Melakukan ibadah puasa sunat.**

Gunakan peluang ini untuk membiasakan diri dengan berpuasa supaya nanti ketika bulan Ramadan tiba, kita tidak merasa berat untuk melakukannya. Mungkin telah ramai yang melaziminya, tahniah dan teruskan. Puasa sunat di bulan selain Ramadan sememangnya lebih mencabar kerana ia menguji kekuatan mental, emosi, dan fizikal.

Namun tidakkah kita mahu mengikuti jejak Rasulullah ﷺ yang sangat mengutamakan bulan Syaaban dengan memperbanyakkan

puasa sunat? Sehingga ada riwayat yang menyatakan bahawa Baginda hampir berpuasa sepanjang bulan ini.

عَنْ أُسَامَةَ بْنِ زَيْدٍ رَضِيَ اللَّهُ عَنْهُمَا قَالَ : قُلْتُ : يَا رَسُولَ اللَّهِ ! لَمْ أَرَكَ تَصُومُ شَهْرًا مِنْ الشُّهُورِ مَا تَصُومُ مِنْ شَعْبَانَ ؟ فَقَالَ : " ذَلِكَ شَهْرٌ يَغْفُلُ النَّاسُ عَنْهُ ، بَيْنَ رَجَبٍ وَرَمَضَانَ ، وَهُوَ شَهْرٌ تُرْفَعُ فِيهِ الْأَعْمَالُ إِلَى رَبِّ الْعَالَمِينَ ، فَأَحِبُّ أَنْ يُرْفَعَ عَمَلِي وَأَنَا صَائِمٌ . "

Maksudnya: "Usamah bin Zaid pernah bertanya kepada Rasulullah *صَلَّى اللَّهُ عَلَيْهِ وَسَلَّمَ*: Wahai Rasulullah, aku tidak pernah melihat engkau berpuasa dalam bulan-bulan lain seperti engkau berpuasa pada bulan Syaaban." Rasulullah *صَلَّى اللَّهُ عَلَيْهِ وَسَلَّمَ* menjawab:

***"Itulah bulan yang sering dilupakan oleh manusia antara Rejab dan Ramadan. Ia adalah bulan di mana amalan diangkat kepada Tuhan semesta alam dan aku suka amalanku diangkat dalam keadaan aku berpuasa."***

﴿ Hadis Riwayat An-Nasa'ie dan Ahmad ﴾

## **Kedua: Menghidupkan malam dengan qiyamullail**

Pelbagai rahsia malam yang tidak terungkap. Bukan mudah bagi kita bangun di malam hari untuk beribadah tetapi jika untuk menonton bola sepak, badan yang letih pun menjadi segar bugar. Di saat para malaikat turun ke langit dunia mencari siapakah hambanya yang mahu merebut keberkatan Ilahi, maka rebutlah peluang ini.

Antara ibadah yang boleh dilakukan adalah seperti solat sunat tahajud, membaca Al-Quran, berzikir dan berdoa. Solatlah sekurang-

kurangnya dua rakaat memohon keampunan Allah. Inilah waktu yang sangat mustajab untuk memohon keampunan dan rahmat daripada Allah **سُبْحَانَهُ وَتَعَالَى**.

Imam Asy-Syafie **رَحْمَةُ اللَّهِ** pernah menyebut tentang kelebihan malam nisfu Syaaban: “Telah sampai kepada kami bahawa doa akan dimakbulkan pada lima malam iaitu malam Jumaat, malam Aidil Adha, malam Aidil Fitri, awal malam di bulan Rejab dan malam Nisfu Syaaban.”

### **Ketiga: Hubungkan silaturrahim sesama kita**

Kita hidup bermasyarakat bukan bersendirian. Di tempat kerja, kita ada sahabat sekerja. Di rumah ada keluarga dan adik beradik. Hubungan yang baik antara sesama manusia sangat penting kerana ia juga berkait rapat dengan hubungan kita dengan Allah **سُبْحَانَهُ وَتَعَالَى**. Jika ada perselisihan, selesaikanlah dan saling bermaafan. Allah tidak akan mengampunkan dosa seseorang selagi dia tidak memaafkan sesama manusia. Sabda Rasulullah yang diriwayatkan oleh Abu Hurairah:

**تُفْتَحُ أَبْوَابُ الْجَنَّةِ يَوْمَ الْاِثْنَيْنِ وَيَوْمَ الْخَمِيسِ، فَيُغْفَرُ لِكُلِّ عَبْدٍ لَا يُشْرِكُ بِاللَّهِ شَيْئًا، إِلَّا رَجُلًا كَانَتْ بَيْنَهُ وَبَيْنَ أَخِيهِ شَحْنَاءٌ، فَيُقَالُ: أَنْظِرُوا هَذَيْنِ حَتَّى يَصْطَلِحَا، أَنْظِرُوا هَذَيْنِ حَتَّى يَصْطَلِحَا**

Maksudnya: “Pintu-pintu syurga dibuka pada hari Isnin dan Khamis, lalu Allah mengampuni dosa setiap hamba-Nya yang tidak mensyirikkan-Nya dengan sesuatu pun, kecuali seseorang yang ada permusuhan dengan saudaranya. Maka akan dikatakan: tangguhkan pengampunan terhadap kedua orang ini sehingga mereka berdamai.” ﴿Hadis Riwayat Muslim﴾

## HADIRIN YANG DIRAHMATI ALLAH,

Khatib ingin mengajak hadirin semua mengingat apa yang disampaikan untuk dibawa pulang ke rumah dan disampaikan kepada keluarga tersayang serta sama-sama melaksanakannya. Kesimpulan daripada khutbah hari ini adalah:

**Pertama:** Latihlah diri bersungguh-sungguh beribadah di bulan ini sebelum tibanya Ramadan. Umpama seorang pelari pecut, dia akan memulakan latihan dengan langkah yang kecil sebelum langkah yang besar.

**Kedua:** Perbanyakkanlah ibadah hingga sampai ke pintu “*Ar-Rayyan*”. Kita memecut dengan penuh kesungguhan menuju keampunan dan keredaan Allah SWT.

**Ketiga:** Terus melazimi doa:

**“Ya Allah, berkatilah kami dalam bulan Syaaban dan sampaikanlah umur kami ke bulan Ramadan.”**

Semoga kita semua dapat memanfaatkan bulan Syaaban dengan sebaik-baiknya dan menjadikan ia medan persiapan menuju pintu “*Ar-Rayyan*.”

Firman Allah dalam surah al-Asr:

أَعُوذُ بِاللَّهِ مِنَ الشَّيْطَانِ الرَّجِيمِ

بِسْمِ اللَّهِ الرَّحْمَنِ الرَّحِيمِ

وَالْعَصْرِ ① إِنَّ الْإِنْسَانَ لَفِي خُسْرٍ ② إِلَّا الَّذِينَ ءَامَنُوا وَعَمِلُوا الصَّالِحَاتِ

وَتَوَاصَوْا بِالْحَقِّ وَتَوَاصَوْا بِالصَّبْرِ ③

Maksudnya: “Demi masa, sesungguhnya manusia berada dalam kerugian, kecuali orang-orang yang beriman dan beramal soleh, saling berpesan tentang kebenaran dan kesabaran.”

﴿Surah al-‘Asr ayat 1 hingga 3﴾

بَارَكَ اللَّهُ لِي وَلَكُمْ بِالْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ  
الْحَكِيمِ، وَتَقَبَّلَ اللَّهُ مِنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ الْعَلِيمُ. أَقُولُ قَوْلِي هَذَا،  
وَأَسْتَغْفِرُ اللَّهَ الْعَظِيمَ لِي وَلَكُمْ، وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ  
وَالْمُؤْمِنَاتِ، الْأَحْيَاءِ مِنْهُمْ وَالْأَمْوَاتِ، فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



## Khutbah Kedua

2025M/1446H

الْحَمْدُ لِلَّهِ رَبِّ الْعَالَمِينَ، وَالصَّلَاةُ وَالسَّلَامُ عَلَى سَيِّدِنَا مُحَمَّدٍ النَّبِيِّ الْأَمِينِ،  
وَعَلَى آلِهِ وَأَصْحَابِهِ وَالتَّابِعِينَ، وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، لَهُ الْمُلْكُ وَلَهُ الْحَمْدُ يُحْيِي وَيُمِيتُ  
وَهُوَ عَلَى كُلِّ شَيْءٍ قَدِيرٌ، وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى سِرَاجٍ مُنِيرٍ.

صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،  
وَزِينَةَ عَرْشِهِ وَمِدَادَ كَلِمَاتِهِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ  
وَمَرْضَاتِهِ.

### MUSLIMIN YANG DIRAHMATI ALLAH,

Untuk makluman semua, Mesyuarat Khas Jawatankuasa Fatwa Negeri Pulau Pinang Bilangan 2 Tahun 2019 memutuskan bahawa **haram** memindahkan zakat ke luar negeri Pulau Pinang berdasarkan masalah semasa kerana ia menafikan hak dan menjejaskan keperluan asnaf. Begitu juga, Mesyuarat Jawatankuasa Fatwa Negeri Pulau Pinang Bilangan 2 Tahun 2024 yang memutuskan individu termasuk peniaga dan usahawan Islam yang menjalankan perniagaan di Pulau Pinang, adalah **diwajibkan** membayar zakat perniagaan kepada Zakat Majlis Agama Islam Negeri Pulau Pinang (MAINPP).

قَالَ اللَّهُ تَعَالَى: إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ  
وَسَلِّمُوا تَسْلِيمًا.



اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ.  
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ  
وَالْأَمْوَاتِ،

اللَّهُمَّ اعِزَّ الْإِسْلَامَ وَالْمُسْلِمِينَ، وَدَمِّرْ أَعْدَاءَكَ أَعْدَاءَ الدِّينِ وَانصُرْ مَنْ نَصَرَ  
الدِّينَ، وَاخْذُلْ مَنْ خَذَلَ الْمُسْلِمِينَ، وَأَعْلِ كَلِمَتَكَ إِلَى يَوْمِ الدِّينِ.

اللَّهُمَّ انصُرْ إِخْوَانَنَا الْمُسْلِمِينَ وَالْمُجَاهِدِينَ وَالْمُسْتَضْعَفِينَ فِي فَلَسْطِينَ وَفِي كُلِّ  
مَكَانٍ، وَفِي كُلِّ زَمَانٍ، بِرَحْمَتِكَ يَا أَرْحَمَ الرَّاحِمِينَ.

اللَّهُمَّ أَصْلِحْ أَيْمَتَنَا وَوُلَاةَ أُمُورِنَا، وَاجْعَلْ وِلَايَتَنَا فِيمَنْ خَافَكَ وَاتَّقَاكَ يَا رَبَّ  
الْعَالَمِينَ. اللَّهُمَّ اجْعَلْ بَلَدَنَا مَالِيزِيَا خُصُوصًا وَوِلَايَةَ قُولاو فِينِغَ آمِنًا مُطْمَئِنًّا  
سَخَاءَ رِخَاءٍ، دَارَ عَدْلِ وَإِيمَانٍ، وَأَمْنٍ وَأَمَانٍ، يَا ذَا الْفَضْلِ وَالْإِحْسَانِ.

اللَّهُمَّ وَفَّقْ قَادَتَنَا وَرُعَمَاءَنَا وَوُلَاةَ أُمُورِنَا لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ  
اجْعَلْهُمْ هُدَاةً مُهْتَدِينَ صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى  
صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan  
Agong, Sultan Ibrahim dan Kebawah Duli Yang Maha Mulia Seri  
Paduka Baginda Raja Permaisuri Agong, Raja Zarith Sofiah.

وَكذَلِكَ صَاحِبِ الْفَخَامَةِ،

Tun Ahmad Fuzi Bin Haji Abdul Razak, Yang di-Pertua Negeri Pulau  
Pinang dan Toh Puan Khadijah Binti Mohd Noor.

*Ya Allah! Dengan sifat-Mu yang Maha Pemurah dan Maha  
Penyayang; Jadikanlah kami dan keturunan kami orang yang  
istiqamah mendirikan solat secara berjemaah, mengeluarkan zakat  
melalui Zakat MAINPP dan melaksanakan waqaf melalui Wakaf  
MAINPP.*

*Rahmatilah jua para pembayar zakat dan pewakaf sekalian, serta berkatilah usaha Kerajaan Negeri melalui Majlis Agama Islam Negeri Pulau Pinang dalam usaha mewujudkan keseimbangan sosio-ekonomi ummah di negeri yang tercinta ini.*

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايِ ذِي الْقُرْبَىٰ وَيَنْهَىٰ عَنِ  
الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ. فَادْكُرُوا اللَّهَ الْعَظِيمَ يَذْكُرْكُمْ،  
وَأَشْكُرُوهُ عَلَىٰ نِعَمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللَّهِ أَكْبَرُ وَاللَّهُ  
يَعْلَمُ مَا تَصْنَعُونَ.



جابتن حال إحوال اكمام إسلام قولاه فینخ  
JABATAN HAL EHWAL AGAMA ISLAM PULAU PINANG